



**ASOCIJACIJA ZA KVALITET
U BOSNI I HERCEGOVINI
Z E N I C A**

Ul. Fakultetska br. 1

Broj: 04- UO - 4/2005.

U skladu sa članom 32 Statuta Asocijacije za kvalitet u Bosni i Hercegovini, na sjednici IV/2005 od 10.03.2005. Upravnog odbora Asocijacije za kvalitet, **donesena je:**

O D L U K A
**O USVAJANJU GODIŠNJEGA PLAN RADA ASOCIJACIJE ZA KVALITET U BOSNI I
HERCEGOVINI ZA 2005. godinu**

Član 1.

Donosi se plan rada Asocijacije za kvalitet u Bosni i Hercegovini za 2005. godinu prema prilogu uz Odluku.

Član 2.

Imenuju se odgovorne osobe za izvršenje pojedinih tačka plana rada Asocijacije za kvalitet u Bosni i Hercegovini prema planu u prilogu.

Član 3.

Odluka stupa na snagu danom donošenja.

**Predsjednik Asocijacije
za kvalitet u BiH**

Zenica, 25. mart/ožujak 2005. godine

.....
(Prof. dr. Safet Brdarević)

Prilog:

- Plan rada Asocijacije za kvalitet u BiH za 2005. godinu sa nosiocima poslova

PLAN RADA ASOCIJACIJE ZA KVALITET U BOSNI I HERCEGOVINI ZA 2005. GODINU

Plan rada AQBiH za 2005. godinu usmjeren je na realizaciju sljedećih zadataka:

- A. Samoorganizovanje/ Učvršćivanje AQBiH**
- B. Promovisanje AQBiH**
- C. Objelježavanje Evropske nedelje i Mjeseca kvaliteta u BiH**
- D. Finansiranje AQBiH**
- E. Edukacija kadrova**
- F. Izrada Državnog programa kvaliteta na nivou BiH**

A. Samoorganizovanje/ Učvršćivanje Asocijacije

U ovoj godini AQBiH bi trebala "stati na svoje noge", a to znači da postane sistem, koji svojim funkcionisanjem ostvaruje svoju misiju i ciljeve. U tom smislu, posebnu pažnju usmjeriti na sljedeće aktivnosti:

A.1. Izrada Web stranice AQBiH na engleskom jeziku

Zaduženi: Sekretar AQBiH

A.2. (Polu)profesionalizacija poslova sekretara AQBiH (obezbijediti nadoknadu za obavljanje poslova sekretara)

Zaduženi: Upravni odbor AQBiH

A.3. Učlanjenje u Evropsku Organizaciju za kvalitet (EOQ)

Zaduženi: Mičo Jančev i sekretar AQBiH

A.4. Izrade baze podataka svih članova AQBiH (pojedinačnih i kolektivnih)

Zaduženi: Sekretar AQBiH

A.5. Održati godišnju skupštinu AQBiH u Sarajevu

Zaduženi: Predsjednik Skupštine, sekretar AQBiH i članovi UO

B. Promovisanje Asocijacije za kvalitet u BiH

Aktivnosti AQBiH moraju biti prepoznate od njenih potencijalnih "kupaca", što, praktički, zahtjeva upotrebu svih marketing principa u promovisanju Asocijacije, odnosno njenih "proizvoda". U ostvarivanju ovog značajnog zadatka neophodno je pokrenuti sljedeće aktivnosti:

B.1. Redovno informisati sredstva javnog informisanja o aktivnostima AQBiH

Zaduženi: Predsjednik i sekretar AQBiH

B.2. Organizovati konferencije za štampu povodom značajnijih događaja

Zaduženi: Predsjednik i sekretar AQBiH

B.3. Aktivno koristiti internet za pružanje aktuelnih informacija svim organizacijama u BiH koje imaju certifikat iz oblasti kvaliteta.

Zaduženi: Sekretar AQBiH i članovi UO

B.4. Izdavanje specijalnog dodatka u okviru "Poslovnih novina"

Zaduženi: Džemal Raljević i Mičo Jančev

B.5. U saradnji sa Ministarstvima za obrazovanje u FBiH i RS inicirati raspisivanje javnog natjecaja za učenike osnovnih i srednjih škola iz BiH za radove na temu kvaliteta.

Zaduženi: Džemal Raljević, Miroslav Bobrek, Mičo Jančev i Sekretar AQBiH

C. Objelježavanje Evropske nedelje i Mjeseca kvaliteta u BiH

Obilježavanje Evropske nedelje kvaliteta (7-13. novembar 2005) i Mjeseca kvaliteta u BiH predstavlja centralni događaj i u našoj zemlji, jer je to smotra dostignuća na polju kvaliteta u svim evropskim zemljama. Težište tih aktivnosti u BiH bilo bi:

C.1. Učešće u organizaciji 4. međunarodnog naučno-stručnog skupa "Kvalitet-2005" u Fojnici, 09-12.11.2005.

Zaduženi: Predsjednik i sekretar AQBiH

C.2. Izdavanje specijalne (reprezentativne) monografije: "BiH na putu kvaliteta".

Zaduženi: Džemal Raljević, Miroslav Bobrek, Mičo Jančev i sekretar AQBiH

C.3. Dodjela nagrada za najbolje pismene radove na temu kvaliteta za učenike osnovnih i srednjih škola u BiH.

Zaduženi: Upravni odbor AQBiH

C.4. Dodjela nagrada i priznanja organizacijama i pojedincima za dostignuća na razvoju i promoviranju kvaliteta u BiH.

Zaduženi: Upravni odbor AQBiH

C.5. Učešće u organizaciji 2. Dana kvaliteta i inovacija Unsko-Sanskog kantona.

Zaduženi: Esad Bajramović i sekretar AQBiH

C.6. U saradnji sa Regionalnim privrednim komorama i drugim institucijama koje se bave problematikom kvaliteta organizovati 2-3 otvorene tribine/ okrugla stola.

Zaduženi: Nađa Čomić, Veljko Čakarević, Hasan Tafro i sekretar AQBiH

D. Finansiranje AQBiH

Obezbeđenje potrebnih finansijskih sredstava je jedan od ključnih preduslova za funkcionisanje AQBiH, odnosno za realizaciju planiranih aktivnosti. **Samofinansiranje AQBiH** trebalo bi biti jedan od naših strateških ciljeva. U tom smislu, potrebno je poduzeti mjere za **omasovljenje članstva** (pojedinačnog i kolektivnog), kao i na **komercijalizaciji** određenih aktivnosti koje su u nadležnosti AQBiH. S tim u vezi, poduzeti sljedeće akcije:

D.1. Uspostaviti kontakt sa organizacijama u BiH koje imaju certifikat iz oblasti kvaliteta, te ih, na prikladan način, upoznati sa koristima od učlanjenja u AQBiH.

Zaduženi: Sekretar AQBiH, podpredsjednici AQBiH

D.2. Marketinška prezentacija firmi na manifestacijama koje organizira AQBiH.

Zaduženi: Sekretar AQBiH, Ranko Božičković i Miroslav Radoš

D.3. Reklamiranje organizacija i institucija u publikacijama koje izdaje AQBiH.

Zaduženi: Članovi UO i NO

E. Edukacija kadrova

Potreba za **inoviranje znanja** iz oblasti menadžmenta, sistema upravljanja kvalitetom i modela poslovne i organizacijske izvrsnosti, posebno **rukovodnih kadrova** u svim privrednim organizacijama, kao i zaposlenih u organima uprave, je sve izraženija u BiH. U tom cilju AQBiH inicira sljedeće aktivnosti ka organiziranjem zadovoljavanju te potrebe:

E.1. Pokrenuti anketu za provjeru zainteresovanosti članova AQBiH, koji se bave edukacijom kadrova, za nudenje svojih usluga obrazovanja preko AQBiH.

Zaduženi: Sekretar AQBiH

E.2. Prikupiti konkretne ponude od svih zainteresiranih članova, proanalizirati prikupljene ponude, izvršiti izbor određenih obuka i definirati uslove plaćanja.

Zaduženi: Sekretar AQBiH, Kamenko Mirković, Jazvin Halid i Bokić Mara

F. Izrada Državnog programa kvaliteta na nivou BiH

AQBiH, potpuno svijesna značaj izrade **Državnog programa kvaliteta na nivou BiH (DPQBH)**, pokreće **inicijativu kod nadležnih organa**, prije svega Vijeće Ministara BiH kao nosioca takvog zadatka, za početak njegove izrade. U tom cilju AQBiH planira realizaciju sljedećih aktivnosti:

F.1. Odrediti 3-5 predstavnika koji bi, u ime AQBiH, bili uključeni u aktivnostima na izradi DPQBH.

Zaduženi: Upravni odbor AQBiH

F.2. Održati zajednički sastanak predstavnika AQBiH sa suorganizatorima Tribine u Mostaru na kojem bi se prodiskutirala inicijativa AQBiH o izradi DPQBH.

Zaduženi: Predsjednik, podpredsjednici i sekretar AQBiH

F.3. Uputiti dopise Predsjedništvu BiH i Vijeću Ministara BiH o potrebi izrade DPQBH.

Zaduženi: Predsjednik, podpredsjednici i sekretar AQBiH